

Na osnovu člana 15. Zakona o principima lokalne samouprave u Federaciji BiH ("Službene novine FBiH", br. 46/08 i 51/09), člana 107. Statuta Općine Ilijaš – prečišćeni tekst ("Službene novine Kantona Sarajevo", broj: 20/09 i 46/18), člana 16. i 17. Zakona o poticaju razvoja male privrede ("Službene novine Kantona Sarajevo", br. 29/15), člana 6. Odluke o podsticaju privrednim subjektima na području općine Ilijaš kroz regresiranje ukupne kamatne stope ("Službene novine Kantona Sarajevo", br. 14/21), te člana 3. Pravilnika o uslovima, kriterijima i načinu provedbe Odluke o podsticaju privrednim subjektima na području općine Ilijaš kroz regresiranje ukupne kamatne stope, br.01/2-11-806/21 od 15.04.2021. godine, Općinski načelnik, objavljuje:

JAVNI POZIV

poslovnim bankama za plasman kreditne linije uz regresiranje ukupne kamatne stope prema privrednim subjektima na području općine Ilijaš

Pozivamo poslovne banke da dostave ponude za pružanje bankarske usluge "Plasman kreditne linije uz regresiranje ukupne kamatne stope prema privrednim subjektima na području općine Ilijaš iz sredstava Budžeta Općine Ilijaš za 2021. godinu".

Ukupna sredstva za podsticaj u 2021. godini na ime regresiranja ukupne fiksne kamatne stope iznose 100.000,00 KM (stotinu hiljada KM), a ista se osiguravaju iz Budžeta Općine Ilijaš za 2021. godinu.

Cilj podsticaja je podrška privrednim subjektima radi održavanja postojećeg nivoa privrednih aktivnosti, zaposlenosti i novih investicija.

Korisnici podsticaja mogu biti svi privredni subjekti (privredna društva i samostalni preduzetnici), koji imaju registrovano sjedište ili poslovnu jedinicu/podružnicu na području općine Ilijaš.

Utvrđivanje prava na poticaj, odnosno ispunjenosti propisanih uslova za podsticaj će se provoditi putem odabrane banke po osnovu ovog Javnog poziva.

OBAVEZE ODABRANE BANKE

1. Banka je obavezna nakon zaključivanja Ugovora pripremiti i objaviti Javni poziv za dodjelu podsticajnih kreditnih sredstava.
2. Banka je u obavezi u postupku odabira korisnika kredita utvrditi ispunjenost uslova od strane aplikanta u smislu važećih propisa sistema državne pomoći u Bosni i Hercegovini.
3. Banka uz pismenu saglasnost Općinskog načelnika zaključuje ugovore sa korisnicima kreditnih sredstava.
4. Odobreni kredit/finansiranje po jednom korisniku se ograničava :
 - na maksimalni iznos od 500.000,00 KM za privredna društva uz uslov da na dan podnošenja zahtjeva po ovoj kreditnoj liniji privredno društvo upošljavaju 150 i više radnika,
 - na maksimalni iznos od 300.000,00 KM za ostala privredna društva,
 - na maksimalni iznos od 50.000,00 KM za samostalne preduzetnike/djelatnosti fizičkih lica.

Minimalni rok otplate odobrenog kredita/finansiranja je 12 (dvanaest) mjeseci, a maksimalni rok otplate je 60 (šezdeset) mjeseci.

5. Banka se obavezuje godišnje izvještavati Općinu Ilijaš o namjenskom trošenju odobrenih kreditnih sredstava.

Detaljne obaveze odabrane banke su utvrđene Pravilnikom o uslovima, kriterijima i načinu provedbe Odluke o podsticaju privrednim subjektima na području općine Ilijaš kroz regresiranje ukupne kamatne stope, koji je sastavni dio ovog Javnog poziva.

USLOVI ZA UČEŠĆE

Banka putem koje se provoditi podsticaj mora ispunjavati propisane uslove, koje dokazuje u postupku apliciranja na Javni poziv prema bankama, prilažući sljedeću dokumentaciju:

- a) Rješenje o upisu u sudski registar,
- b) Licenca (dozvola za rad) nadležne Agencije za bankarstvo,
- c) Certifikat Agencije za osiguranje depozita,
- d) Uvjerenje o poreznom identifikacionom broju i Uvjerenje o PDV broju,
- e) Uvjerenje nadležne Poreske uprave o izmirenim porezima i doprinosima kojim se potvrđuje da su izmireni direktni porezi, te doprinosi za PIO/MIO i zdravstveno osiguranje (ne starije od 3 /tri/ mjeseca od dana podnošenja prijave,
- f) Izjava da je banka pozitivno poslovala u prethodne 3 /tri/ godine,
- g) Uvjerenje nadležnog suda kod kojeg je izvršena registracija da nije pod stečajem, niti je predmetom stečajnog postupka, da nije predmetom postupka likvidacije, odnosno da nije u postupku obustavljanja poslovne djelatnosti u skladu sa važećim propisima,
- h) Izjava da visina kapitala na dan 31.12.2020. godine nije manja od 100 miliona KM, te opciono
- i) Dokaz da banka posjeduje organizacionu jedinicu na području općine Ilijaš.

Svi dokumenti koji se prilaže uz prijavu moraju biti u originalu ili ovjerene kopije nadležnog tijela uprave ili notara.

MJESTO I NAČIN PODNOŠENJA PONUDA

Banke aplikanti dostavljaju prijave u zatvorenoj koverti. Svi prilozi uz prijavu moraju biti u originalu ili ovjerene kopije. Prijave se predaju na protokol Općine Ilijaš ili putem pošte.

Na prednjoj strani koverta mora biti navedeno, sljedeće:

**Općina Ilijaš
126. ilijaške brigade br. 6., Ilijaš
71 380 Ilijaš
/"Prijava na Javni poziv prema bankama – NE OTVARAJ"/**

Na poleđini koverta mora biti navedeno, sljedeće:

**Naziv podnosioca
Adresa i poštanski broj
Kontakt telefon
(upisane podatke na poleđini koverta, obavezno ovjeriti pečatom podnosioca prijave)**

Ponude se dostavljaju 15 (petnaest) dana od dana objavljivanja u dnevnom listu i web stranici Općine Ilijaš.

Sve ponude zaprimljene nakon tog vremena su neblagovremene, i kao takve će biti odbačene.

Ponuda se čvrsto uvezuje tako da se onemogućiti naknadno vađenje ili umetanje listova.

Stranice ponude moraju biti numerisane, odnosno kontinuirano označene brojevima tako da je

jasno vidljiv redni broj stranice. Ponude koje ne budu na propisan način uvezane i/ili numerisane će biti odbačene.

VREDNOVANJE PONUDA

Prispjele ponude će biti vrednovane putem Komisije za odabir banke, a u skladu sa metodologijom i kriterijima utvrđenim Pravilnikom o uslovima, kriterijima i načinu provedbe Odluke o podsticaju privrednim subjektima na području općine Ilijaš kroz regresiranje ukupne kamatne stope.

Kriteriji za vrednovanje ponuda su sljedeći:

- a) visina kamatne stope, učešće kriterija 70 %,
- b) troškovi obrade kredita, učešće kriterija 20%,
- c) visina sredstava za kreditnu liniju, učešće kriterija 10 %,
- d) postojanje filijale/poslovnice na području Općine, učešće kriterija 1 bod.

OSTALE ODREDBE

Općina Ilijaš ne snosi troškove učesnika Javnog poziva prema bankama, kojeg provodi niti Javnog poziva prema privrednim subjektima, kojeg provodi odabrana banka. Općina Ilijaš zadržava pravo da poništi objavljeni Javni poziv prema bankama, ili da odbaci sve prispjele ponude u bilo koje vrijeme prije zaključenja Ugovora.

Prispjela dokumentacija se ne vraća podnosiocima ponuda. Općina Ilijaš ne snosi odgovornost prema učesnicima Javnog poziva prema bankama i Javnom poziv prema privrednim subjektima u pogledu aktivnosti koje su preduzeli u postupku apliciranja.

Općina Ilijaš će na pismeni zahtjev podnosioca ponude, koji bude odbijen zbog manje ocjene ponude, a udovoljava formalno-pravnim uslovima obrazložiti razloge zbog kojih ponuda nije odabrana.

Broj: 01/2-11-808.2/21
Ilijaš, 19.04.2021. godine

OPĆINSKI NAČELNIK

Akif Fazlić, dipl.oec

The image shows a circular official stamp of the Municipality of Ilijaš, with the text "OPĆINA ILIJAŠ" and "MUNICIPALITY OF ILIJAŠ" visible. Overlaid on the stamp is a handwritten signature in blue ink, which appears to be "Akif Fazlić".